

地350
42
部2269

第六十九冊

卷一百十九

祠祀考十一

卷一百二十

祠祀考十二

新纂雲南通志

盧漢題

簽



新纂雲南通志卷一百十九目錄

祠祀考十一

寺觀六

麗江府

普洱府

永昌府

開化府

東川府

新纂雲南通志卷一百十九

祠祀考十一

寺觀六

麗江府

麗江縣

萬松庵

在城東十里木堅村

麗江府志

三寶庵

在城東十里團山清康熙四十七年里民楊立目建

麗江府志

兜率園

在城東十五里東員里中岡清康熙三十年僧清體建

麗江府志

觀音閣

在城南門外萬鈞橋東明時建

麗江府志

清光緒六年郡人重修

一在白地坪光緒四年里人李慶光等建

光緒志

文峯院

在城南十里文筆峯下舊有靈壽寺久廢清雍正十一年

新纂雲南通志

卷一百十九

祠祀考十一

寺觀六

番僧噶立布結茅於此乾隆四年四寶喇嘛至麗求知府管學宣

倡捐僧明具建

麗江府志

光緒七年喇嘛僧重修

光緒志

大覺宮

在城西十五里束河里明時建

麗江府志

元天閣

在大覺宮後明時建

麗江府志

一在城北門內燬於兵清光緒間

武營重建

麗江縣採訪

元光寺

在束河功德山上明時建

麗江府志

邯鄲寺

在束河中海又名雷音寺明時建

麗江府志

指雲寺

在城西二十里刺是里秣度山清雍正五年知府元展成

捐助喇嘛僧立相等募建

麗江府志

光緒六年喇嘛僧重建

光緒志

福國寺

在城西北白沙里芝山上舊名解脫林明熹宗賜名福國

寺

雍正志

清同治間燬於兵光緒八年喇嘛僧重建

光緒志參採訪



附明鶴慶知府梓州張學懋芝山福國禪林紀勝記

道光志

域中五嶽其顯者也滇雲蓋多隱山焉歷代禪封未之及也余來蒞鶴曾以省敘遵白甸頭觸目蘆花紅蓼沿水周遭酷似江南秋景遙望雪山如瓊玉堆直摩霄漢而甸之直北長松巨石掩映晴嵐已接麗江郡界矣因思麗不可到顧安得如宗炳繪圖四壁拂吾焦尾而鼓之使衆山響邪亡何而隱公以書並圖來賜適愜余懷因懸諸衙齋邀阮君學博指點其勝阮君曰雪山望在目中然距此尚不知幾百里而遙計非有縮地術不易至乃雪山自西綿互層巒疊嶺而秀異特鍾者芝山也山北有峯形如偃蓋曰紫蓋峯迤邐西南翠岫圓頂者則曰鬱華臺再折而北層巒嵌空仰睇視之若傑毛多吻猗猗可畏者曰獅子巖巖之南曰幹樛羅峯峯下有怪石形如密跡杵者曰降魔石石下有竇可容數十人轉逗而西一石崔嵬崎嶇下摩甌其穴者曰金剛窟窟之南山駸駸而起上絕浮雲若撐南穹之缺陷者曰天柱峯下有瀑布飛流直瀉如玉虹然泉之東曰帝釋臺曰朝陽岡曰文殊頂曰太子臺皆障相承如偃鎗釜而列罌罌富山之腹孕為勝地延袤數里松檜萬章盤桓夾厝是為解脫林林之中梵刹危樓飛觀繪椽薄樞金碧輝映者為福國寺寺舊名安樂國隱公為太淑人遣使詣闕以請龍藏天子嘉其孝也御賜金額寺右廡南折而上約半里曰丹雲塢塢負龍珠嶺上面當陽朝霞蒼蔚構屋數楹木不彫鏤土無締綿杉栝荆扉蓋隱公習靜處也塢右一山陡絕谿谷巖巖翼以飛棧跨以危梁度赤松坡躡石跡而登者曰拱壽臺臺誅莠蓋廡奉僧憩焉臺後有玉印峯峯左出泉曰老潭自乳竇中滲瀝入潭淙淙作佩玉聲亦曹溪別派也自寺左廡折而北一里許有白鹿泉再折而北上曰普陀峯峯前瀦水曰涵月湖水清沙白淺瀨平瀾每織阿東上恍疑瓊田玉界湖之東有峯曰北斗崖曰丹鳳巒曰小金馬寺左右兩山對峙如合璧者曰小鷲嶺曰輪王寶珠頂南距里餘曰洗心水甘冽異常一飲沁入肺腑覺塵襟頓鑰也委經鉢孟山山窻其中而隆其外酷類仰孟復折而東下峯曰金翅當寺之前曰翠屏山麓沃壤一區萋草豐茸曰菩提場場址為瀑布老龍涵月白鹿諸泉所匯深澗下溉平疇者曰環翠溪此則芝山之大概也余得阮君指點披圖若躬躡焉至若樵歌近聽牧遠遙聞幽禽狎座野鹿親人松風甫靜蘿月繼升芝山之朝暮也插繁華於蒼巖蔭葱蒨於朱明綴菊英於白藏點楓林於青女芝山之四時也居是山者峯可尋壑可赴也石可枕流可漱也可以嘯儔命侶可以保性合神心不驚寵辱之途則軒冕可塵土也指不染名利之鼎則汚濁可蟬蛻也隱公具大解脫心故宜是大解脫地也芝山其隱者與乃今而勅福國之號是隱而受禪自今日始也雖五嶽為六可也隱公為誰累晉中大夫政事參政木公增號生白者也

新纂雲南通志

卷一百一十九 祠祀考十一 寺觀六

一一

玉峯寺

在城北三十里雪山麓清康熙間喇嘛僧建

麗江縣採訪

金剛殿

在白沙里

麗江府志

迎仙樓

西園庵 並在白沙里明時建

麗江府志

鍾秀寺

在喇井清光緒五年里人李錫朋等倡建

光緒志

真武祠

在解脫林下崖腳院中明土知府木氏建

麗江府志

太極庵

在芝山巔明時建僧得天的敬的癡習靜處景最清幽

麗江府志

觀音堂

在城西北二十里白沙里明時建燬於兵清光緒六年里

人重修

麗江府志參採訪

大定閣

在白沙里明時建大定二字書法遒勁閣四面繚以銅罌

登以文石備極精巧

麗江府志

附巡撫襄平甘國璧游白沙院詩

道光志

小春天氣日高春選勝探奇興倍濃寒草白沙無野色碧雲紅樹冷山容
屏峯長積千年雪古院惟存百尺松風景依然興廢異老僧指點話喁喁

護法堂 在白沙里明時建供護法伽藍屢著靈異郡人祈禱歲無

虛日 麗江府志

附明臨江朱雲白沙廟詩 道光志

古木叢中廟象新歲無虛日賽神靈林鴉得食常迎客山獸馴廊不避人
蒙氏皇封遐若邇元朝聖號儼然真非惟定國安邦祚享祀明皇萬萬春

雪嵩庵 在白沙里雪山下明時建 麗江府志

鶴慶州

太玄宮 在城東南隅明隆慶間知府周贊麗江土知府木高建規

制宏敞藻繪奇麗為府境宮觀之最萬曆間知府桑荆初重修清

康熙間恩爵苑公總兵劉廷傑先後重修光緒間邑紳士丁泰重

修 鶴慶縣採訪

新纂雲南通志

卷一百十九 祠祀考十一 寺觀六

三

附明李元陽太玄宮銘 道光志

鶴山四迴元氣結晞光洞開氛祲截太素神僧入共嚼飛錫一卓洪滔竭至今后土留靈穴竭來遺甕頑愚媒膏藉弗修祈饗絕電
雷歲有為民暨誰其籲天聲哽咽周侯欲摘心頭血構宮安聖天神列樓閣蒼然冠嶽真勝事難成勢中輟仁哉鄰伯完其缺參贊
江山賴賢哲兩侯相繼成峻烈靈祈神鑒應無替時有卿雲含藻祝氣候調和陽雨節疆場人民無夭折黍稷年年奉懽悅金堂玉
室常芳潔 按銘詞原在記文後載萬曆志

地藏寺 在城東五里清康熙二十五年僧福照募建 鶴慶府志 今在城北

門外道光間國學生周天祥余忠賢等重修旋燬於兵光緒間邑

紳舒金和蔣宗漢等重建 鶴慶縣採訪

千感靈寺 在城東五里清咸豐間燬於兵光緒七年重修 光緒志

石寶寺 在城東十里峯頂山 雍正志

林泉寺 在城東十里 鶴慶州志

靈山廟 在城東二十里石寶山 光緒志

大興寺 在城東南十五里 鶴慶府志

三清殿 在城東十五里清光緒二年州人副將蔣宗漢建光緒志

南北二刹 在城東南龍華山麓南刹建自唐代北刹建自明初舊

名龍華寺一名界牌寺郡紳先後續建棲雲龍首一乘萬松非幻

彌陀圓覺雪峰天寶各菴最勝園三慧台妙明居覺乘閣觀音寺

慈光寺靈光寺總持林共十八刹明萬曆間北刹圯僧海住重建

清順治間二刹俱燬於火僧照鏡重建鶴慶縣志探訪

元化寺 在城南昔蒙氏因梵僧贊陀卓錫通水遂建此寺雍正志先是

鶴慶水淹僧以杖搗東隅洩之水中得樟木一段刻為佛咒之忽

靈遠近名曰活佛至明成化間雲南憲副林俊聞而火之得金數

百入官阮元聲南詔野史

附明金醞元化寺詩道光志

梵林深處絕纖埃到此令人眼界開石鉢水寒龍化去松巢雲動鶴飛來老禪自得浮杯術吾道誰知補袞才且喜晚來公事息閒吟明月步蒼苔

鶴雲寺 在城南十五里清康熙間藍友桂曾其位建鶴慶府志參探訪

集慶寺 在城南二十里郡人張信建鶴慶府志

江尾廟 在城南二十里清光緒元年重修光緒志

水洞寺 在城南二十五里明知府周集建雍正志

雙濟寺 在城南一百里一名捨茶寺鶴慶府志探訪

松月寺 在城南一百二十里清同治八年州拔貢孫霖甘倡建光緒志

崇德寺 在城西南隅明知府周集建僧福照增修鶴慶府志

朝霞寺 在城西南十八里明成化十年建有四刹鶴慶府志一大士閣明

萬曆間鄉官孫銀河建清光緒間重修一二勝菴明郡人查偉建

一圓通閣明郡人周鮒建一勝音閣明郡人舉人江南羅山縣知

縣周運泰建今廢鶴慶縣探訪

霞青宮 在朝霞左明萬曆時建鶴慶縣探訪

蘭若寺 在城西南一百二十里觀音山驛西唐時建旁有龍眠洞

深五丈闊三丈巖嶂岑蔚飛泉瀑布清氣襲人雍正志

天壽寺 在觀音山驛西鶴慶州志

妙覺寺 在城西郡人史紀棟建鶴慶府志明萬曆間邑國學生奚可量楊

承業捐修鶴慶縣探訪

松坡山寺 在城西五里有五刹鶴慶州志

天池寺 在城西七里鶴慶府志寺內有池名天池故名為郡八景之一光緒志參

探訪

青龍廟 在城西北二十里光緒志

新纂雲南通志

卷一百十九 祠祀考十一 寺觀六

五

真武觀 在城北鶴慶府志清同治九年兵燹燬光緒志

觀音寺 在城北舊傳此處有井為海眼贊陀洩水後建觀音像於

井上以鎮之鶴慶州志

龍江寺 在城北二十里鶴慶州志

青元洞寺 在城北三十里鶴慶州志

佛光寺 在境內清同治十年州貢生孫大韶倡修光緒志

白衣寺 一在城內西街一在城西南一百二十里煉渡坡麓清光

緒五年僧仁定重修光緒志參探訪

案探訪尚有文興寺夢覺庵峯頂寺一相寺開祥寺尋雲庵金龍寺妙行庵天王寺甘露寺太平庵息思庵思庵祝國寺石泓寺同緣寺若庵高家寺麗江寺興福寺祖師殿中興寺文風寺大雲閣三聖宮毘尼庵飛禪寺石龍寺吉祥寺三塔寺龍雲庵淨居庵鶴光寺三台寺龍泉寺文峯寺淨覺庵祥雲寺白衣閣白衣庵淨土庵鹿野院紫玉庵雙龍寺洪家寺鷄鳴寺菩提寺紫金庵念一庵流雲閣迴龍寺太平寺文匯庵感應寺寶相寺回泉室正覺寺等均在境內

劍川州

金華寺 在金華山距城西四里其山頂尖而腳平寬形如金字高

數百丈林木蔥蒨故名金華景泰圖經山多梵刹清咸豐十年兵燹毀光

緒二年重建光緒志

案金華山半有石佛屹立冠佩森然相傳前人牙禡之處山頂有石明月望之如鏡光照海中漁人占以取魚由山門而入歷望海亭老君殿觀音閣玉皇閣諸勝其山自老君山蜿蜒而來雙峯並峙上有浮圖爲一邑主山今圯邑中前輩題詠甚多清馬宣臣太史題畫詩有不知劍海何風景夢嶼蘆洲畫裏開之句蓋太史本邑人其先輩客元江遂爲元江人此詩乃其憶故山之作也

滿賢林 在城西四里就巖鑿門石級紆曲

三清殿 朝元殿 元天閣 雷祖殿 並在城西滿賢林旁清光

緒五年重修光緒志

案滿賢林山門大石呀開清知州事高爲阜題其石曰一竅通靈穿石竅而入爲三清殿後爲小龍湫由此上爲雷祖殿爲朝元殿元天閣五雲樓問天臺皆鑿巖架屋由問天臺下視龍湫股爲之粟問天臺對面有觀音崖達摩廣彌勒堪諸勝而與觀音崖相對者則有接引佛擎天石石卓立雲表望之鼻鼻欲墮清協戎董芳鑄擎天二大字又有兩巖競翠望極高深峭壁中涵及雲隈等字皆作擘窠大書多出董芳幕關中屈爾泰手筆近則鄧川楊瓊騰衝李根源大姚李培林邑人歐陽豐趙藩何立言段鵬瑞輩皆有摩崖字及詩碣嵌壁風景幽邃盛夏如秋

新纂雲南通志

卷一百十九 祠祀考十一 寺觀六

六

景風閣 在城西半里舊爲奎星閣劍川縣採訪

案景風閣在西郭外數百步地當巖江之衝水聲山色城壁闕櫺前清爲奎星閣改革後撤奎星像奉前明鄉先正木主春秋由邑人士致祭近經寇亂木主委仆割裂漫漶邑人趙式銘商同邑之典守財政與耆民故舊重加修葺並別製牌位增祀漢之白王仁果唐之矣羅君宋之段思平元之大鑑禪師及明清兩代先正姓名以仁果與矣羅君段思平皆係白人（見樊綽蠻書一統志肇域志）劍川所操之方言稱爲白文其實皆雅言也故閣中首祀此三人以誌白文緣起亦數典無忘之義云閣旁有城西精舍與門外靈寶塔參立如鼎足形

德峯寺 在城西北二里德峰山劍川縣採訪

案德峯寺清康熙間一崙僧創建僧以打版化緣俗稱爲打版寺同時邑人臨武縣知縣趙維美撰記何其源書今存壁間清末寺僧祖一重建未竟而圓寂其徒孫興復成之

天山觀 在城北德峯之南清咸豐八年燬同治十一年重建光緒志

案天山觀爲唐時番僧摩伽陀卓錫明鄉紳楊姓捐金擴之邑人趙文懿先生天山觀詩云異僧卓錫開堂古隱吏揮金闕壁幽蓋謂是也觀外眼界極佳每一登臨山川城郭物色煙雲歷歷在目前殿奉老子像中殿供歷代名醫神主

斗母閣 在城西北德峯山清光緒初重建劍川縣採訪

案斗母閣距天山觀僅數武清劍川武營員弁建後毀光緒末營中千把外委等重建門外有天臺石闌環之亦一佳勝地也

萬松庵 在城西二里雍正志

元都觀 在城西一里明時城內趙姓建清光緒間重建劍川縣採訪

崇仁寺 在城西金華山麓原名崇真寺清康熙中知州劉啓復修

易今名乾隆九年知州張滋改爲學宮旁有水雲庵雍正志明貢生段

瀛選建劍川縣採訪

地藏寺 在城北三里清光緒七年節婦張氏重建劍川縣採訪

附舉人趙藩重建地藏寺碑序

邑西北中科山麓有地藏寺不詳所建之年意自前明始也咸豐丙辰燬於兵燹光緒辛巳余外舅從弟王紹敏先生之配張孺人僱工重建規制視昔有加計糜白金千有餘兩皆取資勸募不足則孺人自斥產增益之內典載目連僧以救母證佛曰地藏王菩薩浮屠之言宜爲儒者所不道然大地無垠各區風教大雄氏生於西土厥地嗜殺能以慈悲虛寂化其國而寢及北方其戒殺絕紛之說張皇靈異之蹟亦時足以化頑礦而懾殊俗固不必概以孔孟之道繩之而目連艱難救母竭智畢力以證菩薩要亦如中士純孝之儒歿而爲神無足異者且以見含形負氣天性之愛秉彝攸同即異教且有然也蚩蚩之氓佈施崇奉於教孝不無有裨以視奉荒幻無稽之鬼淫祀邀福夫固大相逕庭矣孺人早失所天清修茹素其建此寺也尺椽寸甍日積月累歷時十數寒暑不懈而底於成似亦賢於縉紳先生之領帑興役而乾沒侵蝕苟以自便其私圖者余故不辭而爲之記

準提閣 在金華山麓明御史陳奇猷建劍川州志清光緒七年住持僧法

新纂雲南通志

卷一百十九

祠祀考十一 寺觀六

七

超募建光緒志

大士庵 在城西門外明貢生段瀛選建清光緒三年住持貞壽募

修光緒志

光明寺 在城東門外明麗江土知府木生白建久廢近年重建劍川縣採訪

訪

報國寺 在城內南街相傳即古崇仁寺明末知州侯官萬文輝建

並置常住租石寺內左廂附設萬公祠劍川縣採訪

靈福寺 在城南二里雍正志在向湖村內劍川州志清咸豐間燬於兵光緒六

年重修光緒志

積慶觀 在城西南三里明洪武間建雍正志

案積慶觀爲明末邑人何太僕可及泐建觀當金華山麓雅擅湖山之勝亭閣參差結構幽靚以兵燹毀今爲太僕之裔重修非復舊觀而遊人不絕西山佳構以茲爲勝

雙龍寺 一在城西三里丁卯村後中有龍潭二故名清光緒初村人重建一在城西一百二十里文筆山同治間舉人寇浚與村人

張新華募建劍川縣探訪

石龍寺 在城西五里鍾賢嶺石巖延亙如龍壁有天成觀音像清

咸豐間兵燹燬光緒二年重修寺有三俱建在石龍上光緒初龍

門邑村硃卷場西莊村各重建劍川縣探訪

古柏庵 在城北五里太和村正殿供三教像古柏雕成高七尺餘

工作極精清光緒間村人重修劍川縣探訪

暈君廟 一在城北二里許一在城北二十里河南村之南劍川縣探訪

案暈君事蹟無考惟漢書稱哀牢反昆明夷酋承應募擊破之詔封為破虜旁邑君暈與酋音同當即此暈君也

廣明寺 在城南十五里之天馬邑蒙氏時建雍正志清咸豐間兵燹燬

光緒五年重建光緒志清代改為南鄉義塾劍川縣探訪

案廣明寺在明時為劍川州判署至吳興趙彥良判劍川乃遷今之縣治即古之柳龍冲也

妙應庵 在城南夜合山東岡清同治十二年建光緒志

玉皇閣 一在城南十四里海虹橋西岸知州陳芳猷重修清咸同

間兵燹光緒二年重建一在城西南一百一十里巖蜂場節婦馬

王氏捐建光緒志

東山寺 在城北十里東山麓清乾嘉間大肚和尚證道於此光緒

間甸心村羅耀羅紹文募修劍川縣探訪

石蟾寺 在東營村有石蟾生崖壁間崖頂有泉滴入蟾口蟾昔僅

五寸今漸長有尺五寺建其右劍川州志

白姐廟 在城北十里獅子山明時化隆村人海昶遇老媪售白姐

聖妃像喜而購之建廟供奉清道光間海長保倡修劍川縣採訪

興教寺 在城西南六十里沙溪街即楊升庵李中溪咏海棠詩處

明永樂十三年建殿宇巍峩佛像佛龕工作尤精劍川縣採訪

寶相寺 在城西南四十五里石寶山明鶴慶土知府高倫建有兩

花臺通天梯諸勝蹟劍川縣採訪

石鐘寺 在石寶山山中有石如鐘故名劍川縣志建自元代劍川縣採訪清道光

二十八年邑人張學詩修咸豐九年燬於兵同治十一年重建光緒志

光緒初重修劍川縣採訪

慈雲寺一名佛頂寺 靈泉庵 俱在石寶山明金吾段昺建清光緒三年

重修兵燹後慈雲三次被燬現未修復劍川縣採訪

海雲居 在城西南四十里石寶山麓面臨劍湖清康熙間僧普聯

新纂雲南通志

卷一百十九 祠祀考十一 寺觀六

九

建成豐兵燹後漸傾廢居士梁占山募貲重修劍川縣採訪

近天庵 在海雲居後清乾隆中邑人王化熙建光緒志

案自寶相寺以下諸寺初為唐諾巨羅尊者法席元釋鐵牛楚石繼之宗風大振自元以後遞有增構至明末邑人段金吾昺昔舊築新遂成大刹如寶相寺雨花臺通天梯慈雲寺靈泉庵海雲居近天庵石鐘寺諸刹無不因巖鑿屋選勝爭奇明大錯和尚升庵

修撰中谿待御雲升部郎存夢金吾輩皆有記序詩歌而中谿尤賞洽茲山遊蹤兩至足為山靈生色其最奇者山中石窟有浮雕佛像衣履髮積眉目妍醜儀仗森爽筋脈羅絡靡不各極其妙其孔竅指瓜皆通靈宛轉以煙薰之氣縷縷出骨節中自非神工鬼

斧安能辦此升庵中谿以謂非身經其地目觀其容僅於前人傳記遊客傳述之詞揣之妙不斥為虛誕為嗟歎驚賞而去今錄中谿摩崖短歌一首山中聯句一首遊記一首留為山中故事其餘題詠如清之鵝湖高守村麗江桑沁亭馬子雲牛涵萬及邑人趙

石禪輩皆有詩在集中不備錄

附明李侍御元陽石寶山詩

劍海西來石寶山凌風千仞猿攀巖層往徃構飛閣石窟層層可閉關恍疑片雲天上落五丁把住留人間霜痕雨溜石色古璆琳瑯玕何足數老藤穿石挂虛空欲墮不墮寒人股

又石寶山道中

前人

翠蓋蒼帷松路涼新裁白苧作衣裳騎穿紅樹花沾蘿酒對芳叢鳥弄簧代木丁丁閑白晝飛嵐島屬青陽片雲莫是催詩雨夕曇山家有裏糧

又山中聯句

前人

龕壁存龍樹（升庵）扁巖即鴈堂石鱗風動甲（中谿）苔蘚水浮香興發
追隨盡（升庵）冥搜步履長何由跨筇鶴（中谿）歷歷徑重岡（升庵）

又遊石寶山記

石寶山在劍川西南深山中嘉靖辛卯暮春成都楊修撰約予同遊初抵鄧川楊少參兩依翁招浴溫泉飲於其家權甚坐上賦
詩投贈三日丙辰經浪穹見兼葭楊柳沃野腴疇宛如江南欲投山寺皆敗垣仆棟不得已就公館宿焉四日丁巳過劍川侵曉入
山風威凜凜逕路奇險或騎或步日西至山頂遙見層層疊疊如板屋如棧閣者石寶巖也箚底有鐘鼓洞從遊之士窺而擊之予
二人從洞外聽之宛如鐘鼓聲也寺門在望竟不可即二僧來迎挽手而上歷覽洞壑一步一坐且駭且訝升階謁佛殿折北升石
梯至觀音堂又折北磴險捫蘿而上山頂有聖泉從孔湧出不溢不流約可升許時從者皆渴爭先挹取飲百餘人而水不減升庵
曰真聖泉也予二人各飲泉一盞殊覺爽健由故道下至僧方丈舉酒相勞各賦詩盡醉而宿五日戊午出南行望飛崖如廊廡然
心甚奇之路人曰此中巖也巖頂雕鏤石佛菩薩之像皆精巧奇特山皆蝦蟆狀聞西澗中亦有巖洞然榛莽塞路不容移步悵然
久之遂於馬上哦詩而回然長懷西澗未曾歷覽每以爲歉至壬戌孟春予偕弟元和姊丈張斗友及楊和泛舟西洱踰象嶺觀鶴
林寺歷鳥甲山遂乘輿復至石寶此行由間道宿村舍路人多不相識一泉一石隨興坐臥殊覺暢適既到石寶將由故道向中巖
忽有樵者指曰由西澗所見尤勝遂如其言而行二里許見一石山藍碧如染逼而觀之宛然一獅子也掉尾低頭如奮迅之狀
從行人皆懽呼驚羨獅背可坐千餘人復由石獅腹下穿石洞遙見西溪窈窕巖岸如削立石如屏方石如屋可以結茅而居奈
暮景且逼空山無人竟不能往東行一里石上雕一波斯人雖出人爲然前代工也又半里石崖險處有一石如象折南而上有玉
女井方尺清冽可飲又里許乃至舊遊之地追憶升庵未嘗見此今已下世悽愴揮淚因賦一詩書之壁間以寄吾思焉又南
行三里有方崖巖巖儼如經藏溪中水石轉轡南岸怪石如人如獸如城如壘風行其中有介冑聲令人愀然既而日下西嶺不及
窮搜村人結松幕相待各把巨觥引滿三酌而去

慈蔭庵 在沙溪甸頭禾村清咸豐九年兵燹燬同治十二年住持

新纂雲南通志

卷一百十九 祠祀考十一 寺觀六

一〇

僧覺顯重修光緒志

高山寺 在城南一百三十里喬后井清咸豐九年兵燹燬光緒七

年重修光緒志

松泉寺 在城西四十里松村後山原名文峯寺清乾隆間邑庠生

段廷柱建同治初村人重修劍川縣採訪

海棠寺 在城西南三十七里和嶺明嘉靖中建清道光二十二年

邑生施政亨重修光緒志

普庵寺 在城西南清光緒元年重修光緒志

三元殿 昭應寺 並在城西南彌沙井明洪武間建光緒志

石庵 在城西南嵌石爲殿景極清幽光緒志

雲鶴寺 在城西一百五十里馬登街舊傳麗江木土府建劍川縣採訪

金龍寺 在城西南一百十五里玉樹坡邑生高以敬倡修光緒志

棲霞寺 在雪班山觀音峰俯臨絕壁險峭異常清同治十年建光緒志

知樂庵 在金龍河西岸光緒志

古松寺 在城北十五里梅花村清光緒間邑人李郁文羅榮恩先

後倡修劍川縣採訪

聚翠樓 在城北二十里石菜江村清宣統元年村人公建劍川縣採訪

普應庵 在城東十二里白沙鼻村舊東山寺明末改今名劍川縣採訪

華叢古廟 在城南六十里華叢山麓元代建祀革囊渡江時戰歿

將士明清間上關甸村人迭次續修劍川縣採訪

觀音寺 在城南十八里印盒山清光緒初南鄉人建劍川縣採訪

西觀音寺 在城西十五里白蠟哨山清光緒初村人建劍川縣採訪

文泉寺 在城西四十里栗坪村清同治初村人和宜華倡建劍川縣採訪

香積寺 在城西三十里趙家村清光緒間村人公建劍川縣採訪

慈雲庵 在城西四十里人和村後山明成化間村人李祥捐建清

光緒間住持黃金潤募修劍川縣採訪

聖泉寺 在城西七十里老君山蜀人安鶴林倡建邑人趙式銘以

山上有九十九龍潭色香味各殊為聖泉上池之亞故名劍川縣採訪

按聖泉寺棟材瑋奇象設雄新工未究而寺為賊據鶴林亦避之他方當事慮有後患乃撤寺之材木寄於近村今則世尊亦且露處也

天台寺 在城西一百一十五里天台峰清咸豐間張燦垣建劍川縣採訪

迴龍庵 在城西南六十五里象龍額村清康熙間建劍川縣採訪

綠影庵 在城西南六十五里南江塲明末建劍川縣採訪

興文庵 在城西南六十五里西門村明土司趙世用建清光緒初

住持倡修劍川縣採訪

東觀音寺 在城東二十里鶴慶路旁就巖石建造佛像半屬天生

東北鄉民衆重修劍川縣採訪

佛頂寺 萬松庵 並在城南五十里石寶山雍正志

彌陀庵 梁皇寺 俱在金華山左麓劍川州志

大覺庵 在德峯山楊隆業建劍川州志

呂仙閣 在城南二十里海虹橋西岸村耆民羅澤民等募捐創建

劍川縣採訪

文鳳寺 在城西南六十五里鳳坡頭清光緒初建劍川縣採訪

源泉庵 在城西南七十里白塔村清康熙四十九年建劍川縣採訪

智慧庵 在城西南七十里閣登村清康熙間建劍川縣採訪

新纂雲南通志

卷一百十九 祠祀考十一 寺觀六

一一一

觀音閣 在城西南一百里富樂禾後山蜀人安鶴林村人楊萬鎰

楊汝楫募建劍川縣採訪

華蓋寺 在羅坪山麓俗名高寺清光緒十年邑紳何立言村首陳

紀段廷柱募捐建劍川縣採訪

蟠桃寺 在羅坪山麓楊雲庵馬王氏王玉姜同捐建劍川縣採訪

大王廟 在城西南一百三十里觀音登街清咸豐間尹繩武率村

人寸恩培趙國華重捐修劍川縣採訪

清真寺 在城北十里喜樂村劍川縣採訪

中甸廳

白雞寺 在城內主山極頂黃教喇嘛住持光緒志

觀音庵 在城內武廟南清道光二十九年建光緒三年署同知張

廷棟署守備張勤重修光緒志

大佛寺 在東門外土官寨清康熙間建同治八年燬光緒元年里

人重修光緒志

承恩寺 在城東二十餘里紅教喇嘛住持共三十餘人並未食俸

光緒志

大寶寺 在城南五十餘里黃教喇嘛住持光緒志

歸化寺 在城北佛屏山下黃教喇嘛住持共一千二百二十六人

歲給口糧青稞單衣供品銀兩油氈布疋鹽鐵其未食俸者難以

數計光緒志

維西廳

斗姥閣 在城內同知署左清道光二十八年建光緒志

新纂雲南通志

卷一百一十九 祠祀考十一 寺觀六

一三二

三霄殿 在城內副將署右清乾隆十三年建光緒志

達摩寺 在城東二百四十里清乾隆二年建地勢高爽花木最繁

光緒志

蘭經寺 在城南十里清雍正十年修喇嘛住持地勢開展茶花牡

丹杜鵑最為繁茂光緒志參採訪

飛來寺 在城西瀾滄江外菖蒲桶清乾隆三十年建光緒志

壽國寺 在城北二百四十里康普葉枝兩區間清雍正十二年重

修規模宏大為禪林勝地維西縣採訪

德欽寺 在城北五百四十里阿敦子汛清乾隆二年重修光緒志

來遠寺 在城東北二百六十餘里喇區山麓清乾隆六年建維西縣採訪

楊八景寺 在城東北四十四里清乾隆十八年建光緒志

元格寺 在城東北五百四十里清乾隆十一年建光緒志

東竹林寺 在城東北六百四十里北邙山麓住持黃教喇嘛三百

餘人歲給口糧米五十石光緒志 參採訪

普洱府

甯洱縣

壽佛寺 舊在府治後今移建城內後街光緒志

圓寶山寺 在城東二里清同治二年兵燹折毀光緒三年邑人張

榮等重建正殿光緒志

圓通寺 在城南門外清同治十二年士民左應張重建正殿光緒志

廻龍寺 一在城南十里廻龍山清同治九年邑人李馥倡修雍正志一

在城東南二里山巔有凌雲塔兵燹被毀光緒志

靈源宮 在城南三十里石膏井井民左應樞倡修光緒志

圓照寺 在城西南二里光緒志

觀音閣 在城西北明萬曆間土舍那天福建臨蓮池上又名蓮臺

寺清康熙五十年通判張景偉修雍正志光緒四年士民楊蔭椿等倡

修光緒志

普濟寺 在城北三十里寺在半山間俯瞰城郭臨眺山溪花竹週

環煙雲出沒雍正志清光緒三年士民唐賢輔倡修光緒志

永鎮寺 在城東北六十里嘉惠里道光志明萬曆間建清同治間燬光

緒十一年重建採訪

普照寺 在城東七十里義正里光緒志清光緒二十二年士民倡建甯洱縣採訪

廣恩寺 在城西二里天碧山下一名上寺又名普安寺清咸豐五

年士民錢占榮等重修光緒志

西林寺 在廣恩寺南一名下寺又名普祥寺清咸豐五年士民吳

道南等倡修光緒志

清真寺 一在北門外一在城內大街光緒志

思茅廳

斗母閣 在城內道光志

厚德寺 在城南里許光緒志

南山寺 在城南五里光緒志

六困緬寺 乃黨緬寺 在城南門外六里兵燹燬今均重修光緒志

新寺 在城南門外七里兵燹被燬光緒志

新纂雲南通志

卷一百十九 祠祀考十一 寺觀六

一五

柏枝寺 在城南門外八里光緒志

大佛寺 在城西門外兵燹燬今重修光緒志

蓮花寺 在城西北四十里光緒志

觀音寺 在城西北五十里光緒志

黑神廟 在城北門外兵燹燬今重修光緒志

鎖水閣 在城北十里清同治十二年同知吳自修重建光緒志

按道光志尚有平塘古寺清真寺俱在境內

附錄據採訪

一車里全境土著概係夷人每一村寨均有緬寺一所以僧侶居之凡寺內一切設施用度均盡力供奉故規緬寺之豐蓄即知寨民之貧富而宣慰及土司駐地則有官緬計全境有一百五十餘所夷雖有文字但無記載寺之創建時代多不可考

二五福全境有官緬民緬緬蠻緬等寺八十餘所普稱皆曰緬寺結構粗俗僅屋頂牆壁棟楹神座多施以金漆琉璃飾以動植

三佛海全境凡有村寨均置緬寺一所土司駐地則多一官緬計勐海勐匯勐板打洛四區約有緬寺百餘所奉大佛僧侶有大佛金銀貯於塔服齋醮六七日燃火跳舞銷耗甚鉅建造年月多失考約百餘年者居多

爺二佛爺等名大佛爺頗受夷民敬禮多不還俗二佛爺以下概係童年入寺為僧成了後旋即還俗娶媳蓋彼以童年入寺即為入學還俗為卒業也寺之建造極取偉大佛像龕座各劫一致做狹有別各緬寺中高年僧侶首推劫匪官緬大佛爺精於推測備受土司叭目富人之崇拜不惜罄所有以頂禮布施夷民成了男子紋身必於大佛爺之前禮大佛爺為之山寺之興建均與村寨之聚成同時變遷難以稽考

四鎮越全境有大小緬寺四五十所
五猛卯境內分為十旣各有冢房一所均建於清初以弄島者最宏大內駐黃衣和尚奉佛夷民子弟六歲至十二歲即送冢房讀經習夷文清明後三日內為春節夷民齊集房內誦經行潑水禮
六瀘水鳳儀菴在六庫土司署東山有老君廟

他郎廳

壽佛寺 在城東門外他郎廳志

玉皇閣 在城東門外東山頂即元天閣原係土司那氏家廟明季

改建為寺清同治兵燹燬六年邑人孫世恆倡建易今名並添建

準提閣關帝廟墨江縣採訪

觀音寺 興隆寺 三元宮 俱在城南門外他郎廳志

大佛寺 在南門外明初建即緬寺清雍正十一年通判張子玉改

名興隆寺為郡中名刹乾隆三十八年節婦段楊氏捐產供奉光

緒間籌辦學校寺產均提歸公用佛像移置東門外墨江縣採訪

普淨庵 在城西南馬蟻塘他郎廳志清道光五年尼僧祖壽清定建墨江縣採訪

威遠廳

玄隆寺 在抱母井採訪

都天閣 在城內大街採訪

觀音寺 一在抱母井鳳山麓一在城內龍神祠後清光緒元年士

民公建光緒志

緬佛寺 在廳城外清光緒元年士民公建光緒志

按採訪境內緬寺極多散在各地不能備載

元龍寺 在鳳山原在治南一里光緒志

清真寺 在城內廳署後光緒志 一在猛夏習猛 一在猛住探訪

三元宮 在鳳山麓光緒志

壽佛寺 在抱母井 一在城內大街探訪

普濟寺 惠緣寺 俱在抱母尾井光緒志

觀音廟 一在香元井 一在蠻谷西薩探訪

永昌府

保山縣

法明寺 在城內太保山麓蒙氏時建雍正志 明指揮胡淵重建太監王

舉修清康熙間總兵偏圖重修道光五年知府陳廷煊捐修永昌府志 兵

燹僅存正殿光緒十年副將岑有富補修邑人趙友蒲同住持方

永新募貲增修光緒志

附沐昂詩萬曆志 按道光志載於寶山寺下

古寺殊瀟灑僧房在翠微幽深窮幻化長嘯惜餘暉
詩向梅邊得琴從竹下揮煮茶供款語坐久澹忘歸

附郡人楊琮詩萬曆志

無心因逐白雲歸靜鎖巖前白板扉客有淵明方置酒徒無弘忍不傳衣
風號石室松聲急月到紗窗竹影肥飢飯困眠無一事滿山空翠淡忘機

玉皇閣 在太保山明嘉靖間郡人馮君魯募建層級崇臺左有會

真樓右有九霄樓清康熙二十六年總兵偏圖重修光緒十年郡

人建翠微閣於中永昌府志

呂祖樓 在玉皇閣左清嘉慶十六年商民張學海重建永昌府志

真武廟 在城昇陽門內清康熙間總兵周化鳳知府羅倫知縣程

奕修道光二年庠生徐以恭募修清咸豐十一年兵燹燬後貢生

徐從先倡修永昌府志

老君殿 在玉皇閣西即太清宮也清乾隆五十三年修嘉慶二年

郡人重修咸豐十一年燬今郡人復修永昌府志

保祿閣 在太保山麓文昌宮後明萬曆十年郡人邵維中建清乾

隆十五年士民邵其德捐建太極樓永昌府志

眞武觀 在文昌祠右明宣德間建郡人邵維中等修清道光三年

昆明士庶郭貴等重修因兵燬郡人潘雲倡修永昌府志

雙鶴觀 在元眞觀右清嘉慶十五年大理郡民建永昌府志

白鶴觀 在雙鶴觀下郡人捐建大理郡民建軒轅殿於後清咸豐

十一年兵燹折毀光緒間監生李根李留傳趙端王誠中倡建永昌府志

龍虎觀 在財神廟下清乾隆間醫學陶健張淳等重建嘉慶間醫

學周繼忠重修咸豐十一年燬光緒八年醫學黃煊等倡建永昌府志

報國寺 古鉢龍菴總兵張國祚重建總兵段騰龍李榮祖知府陳

克復修清道光二年知府伊里布重修永昌府志

附明郡人潘嗣奎鉢龍菴漫興道光志

淨生總無住隨處寄高蹤松影侵禪衲塵氛遠寺鐘
清溪明月印講席白雲封泛長安者那知鉢有龍

哀牢寺 在城東二十五里永昌府志清咸豐間兵燹燬郡人重修光緒志

香象院 在城東二十五里哀牢山北僧續宗建永昌府志

天興寺 在城東二百里寶臺山初樵牧者聞其山有雞犬聲迹之

不見明泰昌元年僧金臺鑿石誅茅窮其勝得異境因建寺雍正志

金光寺 在寶臺山舊燬於火清康熙三十年總兵偏圖增建永昌府志

壽佛寺 在城西南隅清道光四年郡人林曰瀚等重修永昌府志

觀音寺 一在城鎮南門外清康熙間總兵偏圖重修咸豐十一年

燬光緒三年郡人蕭得勝倡建一在城西大梨園道光五年知府

陳廷燿等增建永昌府志

臥獅寺 在城南二十里臥獅山其麓為金鳳寺雍正志

朝陽寺 在城南施甸清咸豐十一年兵燹半燬後重修永昌府志

摩蒼寺 在施甸摩蒼山明僧普庇建僧廣章修永昌府志

碧霞寺 在施甸碧霞山僧廣山建永昌府志

斗姥閣 在太保山麓倚西南隅清嘉慶九年郡人重建至尊樓咸

豐十一年兵燹折毀合郡復建永昌府志

白衣閣 一在斗姥閣右清乾隆六年郡人邵士昭募修四十年李

應祥等增建一在通華門外名白衣寺咸豐十一年兵燹折毀郡

人李鼎新倡修永昌府志

雷祖殿 在斗姥閣北清咸豐十一年燬於兵光緒間郡人重建永昌府志

鶴雲寺 在白衣閣右清乾隆四十二年麗江郡人建永昌府志

九峯寺 在城西南四十五里花椒山郡人周運通僧專一同建永昌府志

孔雀寺 在城南五十里永昌府志

報恩寺 在城西北四十里棲賢山蒙氏時建元泰定間重修雍正志

在城內法明寺左清康熙間僧學定建嘉慶五年知府嵇玫重修

永昌府志

附明徐雲達報恩寺詩道光志

廢址千年在浮華一徑空
碑看斷石雨礎識遺蹤
說法無三乘虛傳有六宮
慈雲籠慧日片雨識晴虹
急水喧深澗悲風射曲櫺
劫灰忘妄想天地乏全功
滅相真成幻無言妙始通
日歸山色暝樵唱亂粉中

藥師寺 在城北仁壽門外永昌府志

玉華菴 在城拱北門外永之古刹也清乾隆五十七年僧本淳重

建嘉慶九年本淳復捐修永昌府志

天竺菴 在城北七里永昌府志

圓光寺 在城北乙丑山麓清康熙間知縣蔣嘉謨捐修知府祖惟

煥重建道光五年僧祖輝重修咸豐間兵燹折毀光緒間村人復

建永昌府志

法華寺 在城北十里文昌宮西清嘉慶五年士民重建永昌府志

光尊寺 在城北二十五里昔蒙氏時建清嘉慶十六年道士孫應

陽新建純陽樓道光四年知府陳廷煊新建至尊父母閣永昌府志

碧龍菴 在城北三十五里碧洞村後明推官劉廷標修永昌府志

臥佛寺 在城北四十里雲巖山巖內有石如臥佛因名漢時建雍正志

案南詔野史稱唐開元四年僧些高造永昌臥佛長丈六明嘉靖間重修清嘉慶九年知府嵇玫捐修永昌府志

新纂雲南通志

卷一百十九 祠祀考十一 寺觀六

一一〇

江頂寺 在城北八十里瀾滄江北岸山頂清嘉慶十二年僧本高

重修永昌府志

附邑舉人袁文佑江頂寺詩道光志

蛇盤二十里屈曲望江波利嵌清空近山來風雨多老僧參石竅行客上雲窩翹首瀾滄水龍光滿薛蘿

金雞寺 在城東北三十里鳳溪山永昌府志

寶鼎寺 在城東北五十里鳳溪山東清道光元年郡人張礬等重

修永昌府志

石碑寺 在城東北一百二十里沙木和西三里雍正志

水雲菴 在城東北蘭津道中清嘉慶二十一年總督伯麟重建永昌府志

永國寺 舊在城東北叮嚙山頂僧書常建清康熙三十六年知縣

程奕移建山半平衍處永昌府志

普渡閣 在法明寺右僧宗觀修清道光元年以存租重修永昌府志

三清觀 在保祿閣右清康熙二十年總兵偏圖重修乾隆四十九

年郡人捐修永昌府志

附沈杲詩萬曆志

棟宇聳飛十二樓晴霞遙映宿煙收雙松覆地不知暑萬竹吟風常似秋
仙客未歸丹竈冷洞門深鎖碧窗幽攀躋自愧羈塵鞅翻笑劉郎認故丘

太平寺 在城東南隅清嘉慶間郡人重修永昌府志

龍泉寺 在城南門外前有泉從地湧出上建一鑑樓雍正志漢時建清

康熙間總兵偏圖修清道光元年僧續機重修有易羅池亭在龍

泉上永昌府志

附明郡人張含遊龍泉寺詩萬曆志

天畔輝金字山僧急暮鐘
昏黃池水黑雲候欲歸龍

新纂雲南通志

卷一百十九 祠祀考十一 寺觀六

一一一

金銀宮闕耀龍漪碧豔搖翻阿耨池渺渺南華香霧噴鈴鈴仙樂梵宮移
金欄燕坐常留偈彩筆登臨定賦詩白馬傳經舊遊地空王蹤跡使人悲

附刑部侍郎青浦王昶易羅池亭詩道光志

噫氣決土囊嗚吁振萬竅水輪應亦然迸激安可料大塊稍過隙逆上倒飛瀑臨水更見水動影在宵
島亭亭清蘋底纍纍仙瓊繞明湖柳絮泉舉似儼相肖地方百畝寬未容一塵到涵虛露玉沙聊許孤雲照
春深更清寒宛如積秋潦偶有金尾魚時向空明掉日斜鳥雀散我來展遐眺其平比湘簟其淡等雪縞
略約界危亭無復魚師釣想當夜涼時缺月挂林篠波光動簾旌淒寂類仙嶠何人賞澄瀾來此一倚欄

附大學士總督伯麟小集龍泉池詩道光志

峯巒鬱嵬峨蒼茫釀雲水中有龍泉池睡龍潛不起邇來雨霑足秋稼綠雲似莫更添飄翻千倉定可擬
風雨渡霽虹崎嶇至金齒久雨晴便佳久晴雨亦喜民若望澤時爾龍無膜視驪珠散銀絲飛空徧灑此陽
雨常縈懷佇望情難已開軒聊騁目聯吟靜憑几願彼山田豐盈甯娛婦子願彼海波平烽燧息舊壘
嫋嫋秋風涼靄暮山紫含意可共申三二有知己

附巡撫伊里布前題道光志

涼雨灑天末龍潭水波生波生龍躍起雲散秋山晴安得澄景遇且有賞心并將軍多曠懷招遊出郊城地偏
林木遠天高秋氣清清音在山水環聽無人聲顧此魚鳥樂遂我邱壑情登高賦新詩臨流洗塵纓勝會隔今夕
開樽同解醒哲人既云亡勳業垂軒楹我亦懷古意浩歌猿鶴驚禾隴潤蒼翠水雲澹空明人散夕陽低天
秋鴻雁鳴尚希後來者共尋白鷗盟

附知府嘉興鄭心一前題道光志

積陰散平臯林鬱炫新沐出霧步南郊臺榭依山麓一亭面水幽良有珍珠伏環水竹參差掩映千章木竹樹陰陰中何人結茅屋
薄宦走萬里感此縈心曲悵望水雲鄉聞似秦淮俗憶曾踏浪歌短篙舞獨速無田常不歸夢與故山逐抽身簿領閒半日聊娛目
吟眺各徘徊塵迹苦局促風來秋氣清幸無殘暑酷脫略縱笑談俯仰空拘束追思昔讌遊將軍借令僕不知禮數寬可似此野樸
一笑倒清樽白波巾可漉

附山陰史致衡前題

道光志

曾經雪爪印天涯彈指風塵感歲華山色更看螺髻翠水光不改穀紋斜
遠村煙雨高低樹隔岸漁莊四五家回首鏡湖千頃月秋來鱸膾憶浮槎

附運使眞定王定柱前題

道光志

梧桐銀井墮葉聲新秋一日炎暘減連旬苦雨及朝晴如練澄波淨平檻君爽芻舍自西郊初地臨池駐鈴軌湧珠泉水碧鄰鄰暖
藻遊鱗避罟圍俯郭一鏡澈鬚眉氛埃頓洗容華湛良辰勝地非豫遊籌邊謀野勤韓范憑欄自笑漏網鯨磨厲以須刃將斬鴻謨
餘事鑑華鐘仍播風謠追蠅蠶酒酣長嘯送歸歡波景雲容同滄淪

三元宮 在城西南龍泉門內郡人湯盤建

永昌府志

寶山寺 在城西南七里法寶山舊名法寶寺蒙氏異牟尋建

永昌府志

雨花菴 在臥佛寺西

永昌府志

百花寺 在郎義村西

萬曆志

新纂雲南通志

卷一百十九

祠祀考十一

寺觀六

一一一

附郡人滕檣詩

萬曆志

石澗東風百種花百花深處劫僧家鳳溪繞澗分晴靄鶯嶺當窗落綺霞
深院雨餘留鶴迹小園日午散蜂衙前村後寨皆蒲葵競向新春摘茗芽

騰越廳

西盟寺 在城內元至正間建明正統十三年侍郎侯璉重修改爲

萬壽寺西有易衣軒

雍正志

元與大伯夷會盟於此清乾隆四十一年

騰越州志

知州吳楷重建

騰越州志

咸豐間兵燹燬光緒七年同知陳宗海捐建

光緒志

玉皇閣 在城西雲峰山諸峰環拱春首朝禮者以萬計

雍正志

清咸豐

光緒志

間邑人重修一在天台山明末周東華嘗結茅於此清嘉慶間和
紳伏法其衛侍田某潛逃入騰爲道士乃建斯閣一在鳳瑞鄉之
紫微山石洞內明萬曆初道士黃明月倡建一在九保鎮清雍正

間建燬於兵今重修騰衝縣採訪

萬福寺 在玉皇閣下院明蜀僧淨寬募建永昌府志清咸豐間兵燹燬後

重修光緒志

東山寺 在城東十里一名娘娘廟永昌府志

高山寺 在城東騰越州志清咸豐十年兵燹燬光緒九年重修光緒志

附知州唐翰弼遊高山寺詩二首道光志

十千納禾稼四野聲齊載酒過山寺登高履巉岨政成物自阜開襟有餘歡情愜境無忤慮淡得所安林壑色漸暝棲鳥歸木端
行行度澗道皎月光微寒 五載望蒼巖一朝陟其巔危崖逼松翠瀉石鳴清泉揮杯倚絕巘坐我壺中天盡觴亦不醉日落生紫
煙下山仰明月已到山樓邊

東華寺 在城東龍嵒山騰越州志已燬清光緒間重修光緒志

天應寺 在城東南二十里羅生山其階前地雨則溼晴則反潤屢

驗不爽騰越州志已燬清光緒間重修騰越州志

新纂雲南通志

卷一百十九 祠祀考十一 寺觀六

一一三

水應寺 一名水尾寺在羅生山麓周匝皆水永昌府志清咸豐間兵燹折

毀後略修光緒志

普濟寺 在城南關外清順治十八年兵燹後繼以大饑黔僧德潤

於此募化施粥因建殿名普濟騰越州志

石佛寺 在城南郭外有石佛故名騰越州志清咸豐間燬於兵光緒間修

光緒志

黑塔寺 在城南二里騰越州志清咸豐間燬於兵光緒間修光緒志

來鳳寺 在城西四里來鳳山古為龍鳳神祠雍正志參政盧翊修騰越州志

附明僉事彭山李宗泗來鳳寺詩道光志

雲散煙消萬境開一天清氣滿樓臺小橋送客攜壺過幽徑尋僧煮茗回
流水似龍隨化去遠山呈鳳欲歸來夕陽莎草遊人醉幾點寒鴉落古苔

千佛殿 觀音閣 在來鳳寺右騰越州志

華嚴寺

在城南五里明天順間千戶藺愈修

永昌府志

清光緒間重修

光緒志

忠孝寺

一在城南三十里九龍山下昔有蒙化僧照純夢十八人

指一境地名中孚令其開建僧行遊至騰見九龍聳秀宛如所示

者因結茅為菴募緣建寺以居焉騰越州志清咸豐間兵燹燬後重修一

在滇灘關

光緒志

中天寺

在城南和順鄉

騰越州志

清咸豐間兵燹折毀後修

光緒志

元龍閣

在城南水碓右

騰越州志

真武廟

一在城西南即元天宮

騰越州志

兵燹折毀過半一在古永經兵

燹燬清光緒間重修

光緒志

興隆寺

在城西集鷹山下有水名龍王塘

永昌府志

清咸豐間兵燹燬光

緒間僧綱司洪參甫建正殿三楹

光緒志

新纂雲南通志

卷一百十九

祠祀考十一

寺觀六

一一四

附知州江陰吳楷遊興隆寺記

道光志

去城西二十里為興隆寺其左有泉溢然汨然環於寺之前面中構水亭傳經略公所題活水來者也水流清微俯視澈底飲之甘和為騰第一泉左轉為小有山房中為水仙樓再上為觀音殿後為玉皇閣其左即龍王祠層級而上綽有雅致是寺以泉得名歸之於龍佛家言也嘗考徐霞客遊記盛言創此寺之僧曰寶藏北直人自雞足山至此其徒徑空四川人曾為將有戰功削髮為僧與其師寶藏蓬處者二年開建斯寺為前明懷宗時事今問寺僧已不能舉其姓氏又言此地昔為龍潭其上皆大木蒙翳潭四深莫測足聲至輒湧波起人莫敢近一日大雷雨火發焚林潭遂成陸山石俱赤此泉真劫灰之餘問之士人皆莫能曉噫滄桑變更之理誠有不可盡非而開建苦行之徒亦不可以不志也因附書之

水月寺

朝陽寺 並在城西馬站

騰越州志

三官寺

在城西盤窰

騰越州志

安心寺

在城西順江

騰越州志

三教寺

一在城西明光 一在甸苴

騰越州志

一在緬箐 一在明朝 一在永

安鎮

騰衝縣採訪

圓通寺

在城西固東

騰越州志

一在緬箐 一在順江

騰衝縣採訪

護珠寺

在城西北十五里一名千峩寺孟土官所建相傳千峩海

有龍以珠戲偶失為孟所得俄而雷雨大作孟懼適寺成塑像孟納珠於佛腹中因名騰越州志

普香院 在城北十五里元至正年古刹騰越州志

盤龍寺 在龍川江永昌府志

彌勒寺 在雪山下騰越州志

然燈寺 在拉坡騰越州志

普陀寺 在江東騰越州志

寶華寺 在瓦甸寶華山清光緒七年士民黃金鑑等倡建光緒志

鎮龍寺 在古永練山水清幽路當孔道明正德間里人倡建光緒志

永壽寺 在古永練明正統間里人倡建光緒志

迴龍寺 在古永練尾山勢環繞故名明萬曆間里人倡建光緒志

新纂雲南通志

卷一百十九 祠祀考十一 寺觀六

一一五

清平寺 在城東南舊鎮姚所南清平洞左明萬曆十九年參將鄧

子龍建雍正志

地藏寺 玉泉寺 並在城西二里永昌府志

妙光寺 在城東南綺羅村永昌府志

毘盧寺 在城西南五里明萬曆四十年建清乾隆三十四年知州

蔣曰杞重修有疊水河瀑布之勝騰越州志

附明副使清江彭綱毘盧閣詩道光志

山郭跨林麓樓臺俯市塵風雲歸腳底晴雨變樽前不遇殊方飲真輸老衲眠招邀逢地主乘輿到山巔

附王昶毘盧寺觀瀑樓記道光志

騰越之疊河蓋瀑也其水自赤土羅生諸山來流為大盈江至是崖忽斷水懸以下注於壑凡百有餘尺其聲訇然碌然若駢車若雷霆稍近渡石梁沫隨風著衣袂及面若散絲若霧雨暨迫而視之若懸布若翻雪繼而跳盪張擺割油油云駭心眩矚惟兩岸道蕪蕪無駐足所遊人病焉水東坡上故有毘盧寺寺後翼以樓州牧吳君撤樓之西壁而窗焉瀑之全勢可一覽以盡因顏曰觀瀑余以冬十一月來坐斯樓而望大盈江經南甸又南過千崖出關台蠻幕湖匯於南大金沙江循阿瓦城以入海而茲水實

為其源蓋中夏之氣達於緬甸勢必與中夏合應作如是觀

太平寺 在城西門外永昌府志 一在九保鎮清康熙間創建騰衝縣採訪

觀音寺 一在城西一里即觀音堂一在玉泉村一在馬場河側一

在羅綺坪一在蕭家莊一在甸苴清咸同間均燬於兵光緒間邑

人先後重修一在蓋西同治元年建今重修一在南甸乾隆三十

四年大學士傅恆倡建兵燹燬光緒十三年都司袁善重建復燬

於火一在坵坡明嘉靖間建一在鳳翔鄉一在四維鄉一在清平

鄉一在打苴一在羅馬塘一在和順鄉一在高谷莊騰衝縣採訪 一在城

南五里綺羅鄉光緒志

金輪寺 在城西五里相傳蒙詔時夷酋建殿於此又名大佛寺有

大佛會騰越州志

新纂雲南通志

卷一百十九 祠祀考十一 寺觀六

一六

三清殿 在城西十里寶峰山雍正志

寶峰寺 在城西十里高僧摩伽陀修定之所上有天池峰巒聳秀

左峰頂有觀音閣永昌府志

附明副使沅陵張文耀遊寶峰寺詩道光志

絳節羣仙綵閣雄孤峯一眺大荒空西天日月消兵氣南紀山川漸帝風
細路白沙瑤草合危崖蒼蘚石壇通淮王鴻寶何人握咫尺雲霧下八公

佑聖觀 在城西北隅雍正志

大覺寺 在董官村清康熙間建燬於兵光緒初重修騰衝縣採訪

龍華寺 一在玉璧村乾隆三十六年建兵燹燬清末邑人復修一

在芭蕉關一在順江明洪武間建清乾隆四十年重修騰衝縣採訪

玉寶寺 一在緬箐乾隆間建一在羅生山明洪武間建清光緒初

重修騰衝縣採訪

香雲寺 在河西邦讀山清乾隆二十三年建兵燹燬光緒七年重

修騰衝縣探訪

三奇寺 在下北練騰衝縣探訪

高山寺 在球埠山前清光緒二十五年邑人重修騰衝縣探訪

洞真寺 在大洞村明洪武間建騰衝縣探訪

甘露寺 在赤土坡明僧經空建騰衝縣探訪

保甯寺 在文興鎮明萬曆間建兵燹燬清光緒二十四年邑人謝

家寶等重修騰衝縣探訪

白羊寺 在江東騰衝縣探訪

高玉寺 在阿羊騰衝縣探訪

龍泉寺 在烏索騰衝縣探訪

新纂雲南通志

卷一百十九 祠祀考十一 寺觀六

一一七

玄天宮 一在城內一在羅香屯一在右永騰衝縣探訪

靈臺寺 在順江騰衝縣探訪

三元宮 一在盤窰一在鳳瑞鄉清康熙間建一在和順鄉明初建

騰衝縣探訪

萬松寺 在鳳瑞鄉清順治間道士劉乙倡建兵燹圮光緒間重修

騰衝縣探訪

朝雲寺 在龍崧山騰衝縣探訪

迴龍寺 一在古永一在曲石騰衝縣探訪

鎮龍寺 在古永騰衝縣探訪

瑯琊寺 在瑯琊山邑紳董友芹建騰衝縣探訪

永壽寺 在硝水塘騰衝縣探訪

太平閣 在鳳瑞鄉高黎貢山麓明萬曆間建騰衝縣採訪

千峩寺 在千峩山麓明嘉靖間建騰衝縣採訪

慈雲寺 在鳳鳴仰明嘉靖間僧最勝倡建騰衝縣採訪

寶華寺 在寶華山頂騰衝縣採訪

妙法寺 前所寺 均在瓦甸騰衝縣採訪

真人寺 在高黎貢山麓明萬曆四十年建騰衝縣採訪

慈光寺 在曲石西山之陽清雍正間建騰衝縣採訪

鎮江寺 在江南鄉騰衝縣採訪

松蔭寺 在玉山鄉明萬曆間建騰衝縣採訪

青雲寺 在南甸油松嶺清康熙初創建光緒三十年重修騰衝縣採訪

普恩寺 在合羣鄉騰衝縣採訪

新纂雲南通志

卷一百十九 祠祀考十一 寺觀六

一一八

中山寺 在東左鄉明崇禎八年建騰衝縣採訪

斗山寺 在龍江清光緒七年建今重修騰衝縣採訪

清涼寺 在蒲窩清涼山明嘉靖間邑人谷先春倡建騰衝縣採訪

千佛寺 在猛連鎮騰衝縣採訪

靜樂菴 在蒲窩清平鄉明洪武間建騰衝縣採訪

普光寺 在下北練騰衝縣採訪

永平縣

寶峰寺 在城東五里永昌府志清光緒八年士民重建正殿光緒志

萬松庵 在城東五十里永昌府志

大覺寺 在城東一百七十餘里永昌府志清光緒七年重建光緒志

附提學烏程吳應枚大覺寺詩道光志

誰從峻嶺駕危梯千仞蒼山勢欲齊
塵纓有客能餐勝覺路何人爲指迷
萬疊林巒成繡錯登臨我亦羨巖棲

圓通閣 在漾漚河西永昌府志

報國寺 在漾漚黃龍山永昌府志

玉泉寺 在城東南八里永昌府志清光緒八年士民重建光緒志

普濟寺 在城西二里有大楸樹一株合抱十餘圍永昌府志清光緒三年

知縣賀芳同士民重建光緒志

玉皇閣 在城北十里明雲龍州人昇天尊金像至此像重弗舉因

卜地建閣於上永昌府志清光緒九年貢生李開陽等重修光緒志

觀音寺 在城北三十里觀音嶺久圯清嘉慶十三年貢生陶德芳

修十六年燬十七年邑人重建永昌府志咸豐十年兵燹折毀光緒四年

略修光緒志

白石庵 在城東一百八十里漾漚大堡雍正志

蘭若寺 在城南三里雍正志

金雞寺 在城南鐵廠二里永昌府志

三清觀 在城西十里永昌府志

龍陵廳

觀音寺 在同知署後一名福元寺清康熙四年建成豐兵燬同治

間郡人張其榮捐金六百兩暨全邑士民合捐千三百餘金重修

龍陵縣探訪

玉皇閣 一在境內清同治十年士民修光緒二年續修一在鎮安

清嘉慶十年里人楊應熊等建成豐間兵燹燬光緒志

雲龍寺 在城西五里伏龍山清雍正間僧元量募建道光二十七年

年同知李崢嶸重修光緒十六年姜文進等募捐增建桓侯殿普陀岩二十一年姜朝瑄趙珠璋姜朝陽鍾文成姜朝俊張鍾氏等捐金倡修龍陵縣探訪

天乙山寺 在距城十五里孤峯如削飛閣浮空清嘉慶間劉發劉

德新捐建光緒六年士民復修二十一年廩生段學矩文生段學

章捐金募修並增建太子殿龍陵縣探訪

天甯寺 在西南一百餘里平戛光緒志

開化寺 在平戛寺居高山有小井不盈不涸飲之不盡永昌府志清光緒

三年士民重修光緒志

樂善庵 在距城六十里鎮安所西門清乾隆六年里人張景藝建

龍陵縣探訪

華嚴寺 在鎮安清光緒元年里人邱純文建光緒志

威靈寺 保山寺 五峯寺 嚴子寺並在境內光緒志

達摩山寺 在城北九十里龍潞兩江之中相傳達摩東渡曾於山

腰結庵邑人因建寺供奉名爲達摩山即本境之太祖山各山脈

之發源處也龍陵縣探訪

開化府

文山縣

大興寺 在城南橋外內有桂花二株高三四丈團圓如蓋花時香

聞數里開化府志寺爲明教化長官司舊址清康熙初年五臺山僧飛涯

卓錫於此募建茲寺植桂二株咸豐六年兵燹同燬於火光緒初

郡人李茂槐等重建文山縣探訪

附知府武進湯大賓大興寺雙柱詩道光

不必探奇到廣寒祇園競秀好爭看高籠鳳嶺名標久低覆龍江樹未單
並吐金葩香馥馥雙擎翠蓋影團團誰移連理臨池種植向禪關作大觀

朝陽寺 在城南枯木寨開化府志清咸豐六年燬於兵今重修光緒

西華寺 在城西新街清康熙十三年建開化府志咸豐六年兵燹燬光緒

初士民重修寺側舊有吉祥寺同燬於火今未建文山縣採訪

元天觀 一名朝天觀一說在新街清康熙十四年建內有玉皇閣開化府志

咸豐間兵燹燬光緒二十八年郡人羅鍾燕殷尚賢等重建文山縣採訪

地藏寺 在城西牛羊坡清康熙三十五年建開化府志道光間住持僧方

繼真重建咸豐六年燬於兵同治十一年尼僧光復倡建文山縣採訪

然燈寺 在城西左母結寨開化府志清光緒七年郡人公建開化府志

祥明寺 在城西新現舊名三教寺久圯楚僧祥明募建易今名開化府志

新纂雲雲通志

卷一百一十九 祠祀考十一 寺觀六

二二一

觀音寺 一名白衣庵雍正志在城西西華山麓開化府志舊為文昌宮前有奎

星閣清咸豐六年兵燹燬光緒三年郡人向嘉楨等就其遺址改

建今寺文山縣採訪

老君閣 在西華山頂開化府志清道光間燬於火光緒二十一年曹興民

重建文山縣採訪

綠蘿寺 在城西北樂農里開化府志清康熙十六年蜀僧恆秀建咸豐丙

辰燬於火同治間重修文山縣採訪

附知府李文淵綠蘿寺記道光

聞嘗流覽釋典宋代了元以儒家子博通五經而詞翰揮灑亦自了了自號了元隱金陵之金山寺世無知之者東坡時為學士聞而訪焉改其號曰佛印留玉帶以鎮山門佛印之名一時震天下史遷謂前言往行必藉王公大人以成名洵不誣也郡西之樂農

里綠蘿山下有寺焉丁亥歲予因公事憩息寺中觀其丹腹雖無壯麗之規模而深廣創闢已覺土木之拮据若夫擇地卜宇美不勝收面對三星半月之巔以拱其前枕連垂龍之峯以峙其後左襟帶乎石湖之麓右指臂於躍龍之岫村落中之梵刹儼然大都

會之叢林矣惟自建寺以來猶未嘗顏其額詢之寺僧則曰繼祖繼祖之義曷取乎蓋以蜀僧恆秀於康熙十六年來開時值草寇猖狂樂施寥寥歷四五年勞苦備嘗其志不泯二十一年閩漳李公來守茲上嘉恆秀之苦行真修捐俸倡率始得落成復構來青

亭於綠蘿之頂相與盤桓越數年而恆秀圓寂故後來之衆僧以恆秀締造之艱難誌不忘也余聞之穀梁子曰君子待人以雅不以俗期人以博不以陋孔子之作春秋去伊緩而易以善稻去太鹵而易以太原去矢胎而易以蚡泉蓋去其俗而易以雅去其陋而易以博也予竊取穀梁之義顏寺額曰綠蘿而恆秀爲此寺開山之主又不可沒也故據衆僧之口述表而出之是爲記

鍾靈寺

在城北橋外內有玉皇閣

開化府志

僧了然募建

文山縣採訪

半邊寺

在江那里大外革清咸豐六年燬於兵光緒九年重修

光緒志

望松庵

在城西隅寺對西華山昔山有古松一株勢若盤龍故庵

名望松

開化府志

壽佛寺

一在城西馬臘底一在城南枯木寨一在城北門外

開化府志

文殊寺

在城西獅子山

開化府志

毘盧寺

在城西楊柳河

開化府志

清咸豐兵燹燬光緒十三年重建

文山縣採訪

青龍寺

在城西老寨清康熙五十五年建

開化府志

安平廳

新纂雲南通志

卷一百十九

祠祀考十一

寺觀六

三三二

靈通寺

在廳屬仁和街清光緒元年建

光緒志

東川府

會澤縣

白衣閣

在城東南隅祀神醫華陀

東川府志

清乾隆己卯年建

會澤縣採訪

斗母閣

在白衣閣後

續東川府志

在東城外清乾隆四十二年建嘉慶十

七年重修

會澤縣採訪

如來寺

在城南金鐘山下孟炎祠前

東川府志

清乾隆初僧秀峰同邑紳

牛文珍募修

會澤縣採訪

西來寺

在城西門外清雍正十一年建

東川府志

金山寺

在城西門外亦名大佛寺

續東川府志

祝國寺

在城西一百三十里碧谷壩

東川府志

觀音寺 一在城西一百三十里洗尾戛東川府志 一在鷓雞清光緒元年

邑人副將任仕斌奉母命建光緒志

盤龍寺 一在城西北四十五里那姑村 一在城西北四十八里魯

霧村東川府志

太陽宮 在城西北四十五里那姑同治十一年邑人陳丕昌建光緒志

青龍寺 在城北久廢清雍正六年知府黃士傑參將祝希堯即其

遺址重建泉石幽勝登眺則闔境山川在望雍正志 同治間武營添建

祖師靈官兩殿會澤縣採訪志

壽佛寺 一在五里村 一在十里村東川府志

仁智庵 在城西北五十里崇禮鄉興鄭村後光緒九年增生鄭興

東建四圍山色秀韻天成庵內引水為池疊石成橋林木參差樓

新纂雲南通志

卷一百十九 祠祀考十一 寺觀六

三三三

臺掩映每一登臨足快心目光緒志

巧家廳

壽佛寺 一在城內廳治右 一在雙龍廠 一在湯丹廠續東川府志

南華寺 在城內續東川府志

觀音寺 一在城內 一在蒙姑 一在湯丹廠 一在七里廠續東川府志

普渡庵 在城南三百二十里湯丹廠光緒志

案採訪尚有高山寺尼姑庵娘娘廟俱在境內